

DIALOGO

fra l'agricoltore CHECCO e il suo padron CLEMENTE

STORIA DI UN MATRIMONIO

- C. Ben troved padroun, com stal?
le ross, allegre com ün gal
el chnoss enca un barbazan
che sta mei ca ne un sovrän.
- P. Ringraziando il sommo Dio
ed il portafoglio mio
mangio, bevo e mi sollazzo
e non me la piglio un ca...
- C. Brav padroun! e fa molt bein
a divertis con i quattrein,
che magna pu di bon galleitt,
azzi... tutt i pureitt
chi morissa prima d' nasc!
i comincia chiè tli fasc
papa e lat a tribulè
i dura fein chià da campè.
- P. Caro mio ci vuol pazienza...
convien far la penitenza
a colui che non ne ha
dopo morto cambierà!!!
- C. Ades a vrea cla mudas...
Dop... chic butta anchè te gas!...
Ma an nié mod da ribelles
o ben o mel bsogna adattes!...
- P. Dunque dico l'hai capita
com'è messa la partita?
non vi è niente dá sperare!...
Cosa sei venuto a fare?
- C. A so vnud a to un permess
e un parer sa ni rincress.
- P. Sentiamo. — C. La mi sorela
cla birbona dl' Isabela
dop l' arcolt la to marid,
Lei da me quand las divid
am arresta sol la nona
com faroi senza una dona?!...
s' am esorta e cle content
a voi to moi padron Clement.
- P. Un gran male non sarà
ti senti buona volontà?...
- C. An n' avrea una gran voia...
ma te ghatt e iè una boia!...
quand lam fa bocca da rid
e mi cor am da dli frid
le vergogna vedle a dil
padron, lim pasa come un stil!!
Ma la è bela!... la è bionda,
- la è grasa, rossa, tonda
se videss com una mela
ma una lengua pu cla pela!...
- P. Questo è male mi dispiace
non potrai vivere in pace,
se tu andrai a lavorare
o a concludere un affare
certo è povero. Checco
ti vorrà mettere il becco.
- C. Bso' che sava sor padroun
ca tengh pront a t' un cantoun
la medizeina de sumar
quand am selta i mi cattar
Dio ne guërda sla m' arspod
a so bon d' tola de mond!...
- P. Lo so bene sei un bullo!
ma se ti viene qualche frullo
non lasciarti trasportare
potresti anche andar penare!
- C. Ma lu al ringrezie sor padroun
ca ma fat sta correzioun
com s' farea mun amigh...
la ha da fe però s' un figh!
sa combein e matrimonie
chei li chey al cerimonie!
- P. Dimmi su come si chiama
questa tanto bella dama?
- C. Lei las ciema la Marietta
me su ba fi dis Pipetta
perchè Pietre le e su nom
e Codasecca per cognom.
- P. E se tu la sposerai,
in che tempo lo farai?
- C. Aveva dett i là d' Agost,
sarà mei te mes de most
cominciand la rinfrescheda
per i spous la è più addateda.
- P. Va benone... è molto bella
questa donna? grande? snella?
- C. Hooo! la è longa i que padroun...
a n' avrà qualch' intenzioun!
- P. Non sarai così minchione
a dubitar del tuo padrone.
- C. A faz per rid... sangue de cuch!
an so miga un mamaluch...



per fei ved can so gelos
me, che de cam faz e spos,
all' invid e spozalizie
con su moi, padroun Domizie,
chi burdell, e servitor
ai las la sposa i là ma lor
chis diverta allegrament
per me tent a so cuntent.

P. Si, l' accetto il tuo invito
e ti auguro un partito
di dolcezze e di contento
a te e al tuo sacramento.

C. Grazie tent: padroun, a vagh,
che se dlelt i qui am ni stagh
am arresta tott da fe,
e formantoun le da sapè,
da fe l' erba per i bu
che iersera a no potu.
Donca, addio, al riverisc
e scapa l' usc e via d' lisc
che pareva una saetta
per trovè ma sta Marietta.

Appena arriv a Tombanova
sta ragazza e la a trova,
Ei diss: Marietta... finalment
me padroun a lo content
se con me a vli fe l' amor,
a ve giur d' amigh d' onor
alla più longa fra du mis
ac trovarem t' un paradis;
la dvantò rossa, lan parlò,
la ni diss ne se ne nò.

— E replicò: ma cosa giv?...
rifiutev o consentiv?...

— La rispos a so contenta
ma però bsogna ca senta
quel chi dis i genitour
e pu az mitrem e fe l' amour;
d' mena sera vni a senti,
qualch cosa av savrò di.

— E fu za pront e ritornò
ogni cosa i combinò.

— Di discurs che i lè e fu fat
presapoc quest e fu i pat:
da spouses prima dl' Avent,
d' invidè tutt i parent,
compres enca mi padroun,
da mazé trenta capoun,
da fe e ris condid da sciutt,
tre som d' vein da bevle tutt,
da fe in ultme un bel festein
sla chittara e se clarein.

Andè e temp le una voleda
l' arivò sta gran zorneda,
e fu di fat una gran festa
is bevè tre litre a testa,
pastizeda, cherna arrost,
vein, i nera in tutt i post
per i chen e per i gat
e i balleva com' i mat.

Chech però l' era un pezzett
che s' era stuff che vleva smett
appena za chè fu nov our
e saltò di sonadour
ei diss: sia l' ultma monferina
a so impi da stamatteina!
a so strach ben abbastenza,
(dop e diss ma l' adunenza):
Santì ragaz san vi dispies
oramai e sona al dies
e clarein am da un po noia
d' andè a let a me vnu voia
fe e piaser a lasè andè
ca andarem a riposè.
Allora tutt il salutò
bona nota?... e pu i scapò.

Lu e ciudè tutt i portun
e n' avri soltent che un
quel d'la camera di spos
(ma qualch amigh un po curios
ei leva avert una muliga
sparagnandie un po d' fadiga!...)
Basta Chech e sla dormè
e di dop sina mezdè
e s' alzò su tutt invornid
che pareva inscimonid.

Poch di dop la su allegria,
la cambiò in malinconia,
d' color e d' cherna l' era zu
con puteva quasi più.
Lei cla vespra maledetta
sa cla raza d' na linguetta
lai ne geva un bastiment
e lu zitt lera content!
la era riva poc lonten
cla ni fessa santì al men.

Un di e capita e padroun,
ai diss: di su brutt mamalonn!...
dov el anded e tu furour!
cla cattiveria, che terrou,
te fina dett prima d' spusela
t' ser capec anche d' mazzela?!
Vat a mesa vergognous!
tan ser om da fet e spos!
Lu, santind sta sinfonia,
svergogned e scapò via,
e lasciò me su padroun,
la Marietta e la pussioun
e da che giornie cle sei meis
an se più vist at sti paeis.

Me a voi de un avvertiment
ma chi zovne chiè present;
Sa spusè m' una ragazza
cla aves da ess d' cla raza...
o dovré sempre e battech,
o fe l' istess com la fat Chech.

G. VILLA

(Proprietà Letteraria)

TIP SISTO NERI - RIMINI - TELEF. 3-78